

Polisi Cludiant

Mae angen i'r Awdurdod Lleol benderfynu a yw'n angenrheidiol darparu cludiant i ddisgyblion o oed ysgol statudol i ganiatáu iddynt fynychu ysgol ddynodedig. Os penderfynir bod angen cludiant, yna rhaid darparu'r cludiant am ddim.

Y ddarpariaeth statudol sylfaenol

Mae'r Awdurdod Lleol yn darparu cludiant am ddim i blant o oedran ysgol gorfodol (h.y. 5-16 oed) fel a ganlyn:-

- os yw'r plentyn yn cael addysg gynradd ac yn byw dros ddwy filltir o'r ysgol addas agosaf;
- os yw'r plentyn yn cael addysg uwchradd ac yn byw dros dair milltir o'r ysgol addas agosaf.

Mae'r Awdurdod Lleol hefyd yn darparu cludiant am ddim i blant o oedran ysgol gorfodol:

- os yw'r Awdurdod Lleol, mewn ymgynghoriad â Chyfarwyddiaeth yr Amgylchedd, o'r farn bod y llwybr i'r ysgol yn beryglus;
- os yw cludiant i ysgol a enwir yn cael ei nodi yn Natganiad o Anghenion Addysgol Arbennig disgybl. Fel arfer byddai hyn ar sail feddygol neu addysgol a byddai'n cael ei ystyried yn hanfodol yng nghyd-destun meini prawf eraill a nodwyd yn y polisi hwn;
- os oes angen cludiant ar blentyn ar sail feddygol ac nid oes cludiant cyhoeddus addas ar gael.

Darpariaeth cludiant arall

Caiff cludiant am ddim ei ddarparu hefyd ar gyfer disgyblion o oedran ysgol statudol:

- os yw'r rhieni'n cael Cymhorthdal Incwm neu Gredyd Treth Gwaith, ac mae'r cartref dros 2.5 milltir o'r ysgol addas agosaf;
- i'r ysgol cyfrwng Cymraeg agosaf yn ôl y meini prawf a nodir uchod.
- I'r ysgol agosaf a gynorthwyir yn wirfoddol ble mae derbyn i'r ysgol ar sail enwadol, yn amodol ar y meini prawf pellter. Bydd ymgynghori ag ysgolion unigol yn digwydd i gadarnhau'r meini prawf derbyn yn ôl pa rai y derbynir disgyblion. Mae'n bosibl y gofynnir am dystiolaeth addas o ymlyniad at ffydd yr ysgol megis tystysgrif bedyddio neu lythyr gan offeiriad.

Cludiant Ôl-16

Bydd cludiant am ddim yn cael ei ddarparu ar gyfer myfyrwyr ôl 16, sy'n byw yn Sir y Fflint sy'n mynychu cwrs cyntaf o astudio llawn amser mewn ysgol neu goleg, yn amodol ar gwrdd â'r meini prawf pellter o 3 milltir ac ar yr amod bod y myfyriwr yn mynychu'r sefydliad addysgol agosaf sy'n cynnig y cyrsiau y maent yn dymuno eu hastudio. Bydd cludiant am ddim yn cael ei ddarparu i safleoedd penodedig yn unig. Y safleoedd hyn yw:

- Pob safle Ysgol Uwchradd o fewn Sir i Fflint sy'n cynnig cyrsiau ôl 16
- Ysgol Uwchradd Babyddol caer, safleoedd Coleg Cambria yng Nghei Connah, Lloneurgain, Wrecsam a Llysfasi (ar gyfer cyrsiau tir yn unig), Ysgol Uwchradd Prestatyn, 6 Y Rhyl, Ysgol Santes Ffraid, Ysgol Glan Clwyd, Llanelwy.

Cludiant am ddim i fyfyrwyr dros 19 oed

Mae cludiant am ddim yn cael ei ddarparu i fyfyrwyr cymwys sydd wedi troi'n 16 oed ond nad ydynt wedi troi'n 19 oed ar y 1 Medi yn y flwyddyn academaidd berthnasol. Bydd y cludiant am ddim yn parhau nes bydd y myfyriwr yn cwblhau'i gwrs, hyd yn oed os bydd yn troi'n 19 oed cyn diwedd y cwrs hwnnw.

Cludiant consesiynol

Gall yr Awdurdod Lleol ddarparu cludiant consesiynol, am bris, os nad yw'r disgybl/myfyriwr yn bodloni'r meini prawf uchod, cyhyd ag y bo seddi gwag ar gludiant sydd dan gytundeb â'r Awdurdod eisoes. Dan yr amgylchiadau hyn:

- codir tâl o £150 y tymor. (caiff y tâl ei adolygu bob blwyddyn)
- gellir tynnu'r consesiwn yn ôl ar fyr rybudd, a cheir unrhyw dâl ei ad-dalu pro rata, os na fydd seddi ar gael.

Fodd bynnag, o dan Ddeddf Trafnidiaeth 1985, nid oes taliadau consesiynol os oes trafndiaeth gyhoeddus ar gael rhwng y cartref a'r ysgol ar adegau cyfleus ar gyfer dechrau a diwedd y diwrnod ysgol. Mae ffurflenni cais ar gyfer seddi consesiynol i'w cael ar www.sirffliint.gov.uk/ysgolion

Disgyblion/myfyrwyr ag anawsterau/anableddau dysgu

Bydd cludiant arbenigol yn cael ei ddarparu i ddisgyblion/myfyrwyr sydd ag anawsterau a/neu anableddau dysgu pan nodir hynny yn y datganiad o Anghenion Addysgol Arbennig. Bydd yr Awdurdod Lleol yn ystyried anghenion addysgol arbennig neu anabledd y disgybl, p'un oes ganddo ddatganiad o Anghenion Addysgol Arbennig ai peidio, wrth benderfynu pa ysgol yw'r ysgol addas agosaf. Bydd y gofynion cludiant yn dibynnu ar amgylchiadau unigol a bydd pob cais yn cael ei ystyried yn ôl ei deilyngdod ei hun.

Pan nodir ffactorau eraill yn y datganiad, e.e. darpariaeth arbenigol, gellir darparu cludiant i bobl ifanc ag anawsterau a/neu anableddau dysgu i deithio ymhellach na'u hysgol/coleg agosaf. Mae'n bosibl y caiff cludiant am ddim ei gynnig i bobl ifanc sydd â chyflyrau meddygol difrifol sy'n effeithio'n ddifrifol ar eu gallu i symud, er nad ydyn nhw'n bodloni'r meini prawf pellter. Ym mhob achos, rhaid cael tystiolaeth feddygol i ategu'r cais.

Costau teithio i rieni disgyblion sy'n mynychu ysgol y tu allan i Sir y Fflint ar sail eu Datganiad o Anghenion Addysgol Arbennig

Os yw disgybl yn mynychu ysgol breswyl dros 100 milltir o'u cartref, bydd yr Awdurdod Lleol yn helpu gyda chostau teithio i ganiatáu i'r rhieni fod yn bresennol yn y cyfarfod Adolygu Blynnyddol statudol, yn seiliedig ar y dull rhataf o deithio. Bydd yn:

- trefnu cludiant, neu'n
- gwneud taliad ariannol (sef 20c y filltir ar hyn o bryd), neu'n
- darparu tocyn (neu'n cynnig swm o arian cywerth â phrif y tocyn) i un neu'r ddau riant deithio yno ar drafndiaeth gyhoeddus

Bydd y cymorth tebyg ar gael hefyd os bydd disgybl sydd fel arfer yn teithio mewn cerbyd a ddarperir ar gyfer grŵp, yn methu â theithio'r un pryd â'r grŵp oherwydd ei iechyd. Bydd angen ardystiad meddygol yn y cyswllt hwn. Ni fydd yr Awdurdod Lleol fel arfer yn helpu gyda chostau teithio ar gyfer digwyddiadau neu gyfarfodydd eraill.

Diffiniad o feini prawf

Meini prawf ysgol addas

Ysgol addas yw'r ysgol agosaf sy'n darparu addysg ar gyfer oed a gallu'r disgybl, yr ysgol cyfrwng Cymraeg agosaf neu'r ysgol Wirfoddol agosaf.

Nid yw'r Awdurdod Lleol yn gyfrifol am gost cludiant:

- os yw rhieni'n dewis ysgol neu'r cyfleuster gwahanol i'r ysgol addas agosaf;
- os yw rhieni'n dewis ysgol a gynhelir gan Awdurdodau, oni bai mai'r ysgol honno yw'r ysgol agosaf;

- disgyblion sy'n byw y tu allan i Sir y Fflint ond sy'n cael eu haddysg yn un o ysgolion Sir y Fflint;
- mae gan yr Awdurdod drefniadau gydag awdurdodau cyfagos ar gyfer disgyblion Sir y Fflint sy'n mynd i ysgol dros y ffin gan mai honno yw'r ysgol addas agosaf.

Meini Prawf Oed

Nid oes gan yr Awdurdod Lleol gyfrifoldeb cyfreithiol dros ddisgyblion nad ydynt yn gymwys i gael cludiant am ddim.

- Nid yw'r Awdurdod Lleol yn darparu cludiant i ddisgyblion sy'n mynd i ysgol feithrin neu ddosbarthiadau meithrin yn dair oed. Mae cludiant yn cael ei ddarparu o ddechrau'r flwyddyn ysgol pan fydd y plentyn yn troi'n bump oed.
- Ar hyn o bryd mae'r Awdurdod Lleol yn darparu cludiant am ddim i ddisgyblion cymwys sy'n hŷn na'r oedran ysgol gorfodol, i gael eu cludo am ddim i'r ysgol neu'r coleg addas agosaf fel y nodir Polisi Cludiant.

Meini Prawf ar gyfer Darparu Hebryngwr

Mae'n bosibl y bydd yr Awdurdod yn darparu Hebryngwr i ddisgyblion sydd â Datganiad o Anghenion Addysgol Arbennig, sy'n gymwys i gael cludiant am ddim o dan y meini prawf uchod. Darperir hebryngwyr ar ôl i swyddogion perthnasol ystyried anghenion unigol disgybl neu grwpiau o ddisgyblion a natur y cludiant sydd ar gael.

Gwneud cais am Gludiant Ysgol a Choleg

Os ydych chi'n credu y gall eich plentyn fod yn gymwys i dderbyn cludiant ysgol am ddim, bydd angen i chi lenwi ffurflen gais. Mae angen gwneud cais pan fydd eich plentyn yn dechrau yn y dosbarth Derbyn, yn yr ysgol Uwchradd ac mewn cyfleuster addysg Ôl-16 ac nid yw'n ôl-weithredol. Bydd angen i chi wneud cais eto os bydd eich amgylchiadau'n newid mewn unrhyw ford yn ystod y cyfnod y bydd eich plentyn yn yr ysgol, neu os bydd cwrs eich plentyn yn newid. Mae ffurflenni cais ar gael ar yr www.siryfflint.gov.uk/ysgolion neu gan Integrated Transport Unit, Alltami Depot, Mold Road, Flintshire. CH7 6LG (Tel: 01352 703243/704636/704532).

Dylid anfon cais am gludiant i'r coleg dan sylw (manylion isod). Gellir gwneud cais unrhyw adeg o'r flwyddyn er bod y myfyrwyr yn cael eu hannog i wneud cais ar ddiwedd tymor yr haf cyn i'r cyrsiau ddechrau ym Mis Medi.

Dull o Deithio

Wrth benderfynu ar gludiant priodol, bydd angen cadw at yr egwyddorion a ganlyn:

- yr angen am gludiant arbenigol;
- Anghenion Ychwanegol y disgybl fel y'u diffinnir yn natganiad y disgybl.

Ym mhob achos, bydd y cludiant yn seiliedig ar ddefnyddio'n effeithiol (yn unol â'r amodau uchod). Gall darparu cludiant drwy gyfrwng cytundeb gwasanaethau cludiant ysgol neu wasanaethau trafndiaeth cyhoeddus arferol, a bydd natur y cludiant a ddarperir (bws, bws mini, trê'n, tacsï ac ati) yn dibynnu ar y gost. Weithiau, gall un bws ar gcontract gludo disgyblion i fwy nag un safle ysgol.

Mewn amgylchiadau eithriadol, mae'n bosib y bydd yr Awdurdod Lleol yn talu rhieni (20c y filltir ar hyn o bryd) i gludo disgybl sy'n bodloni'r meini prawf i gyd, os penderfynir bod hynny'n fwy cost effeithiol.

Codi a dychwelyd disgyblion

Bydd cludiant yn cael ei ddarparu fel arfer o safleoedd bws neu fannau codi penodol ar gyfer grwpiau o ddisgyblion. Dim ond o dan amgylchiadau eithriadol y bydd disgyblion yn cael cludiant ddrws i ddrws.

Bydd y pellter y bydd disgwyl i ddisgybl gerdded rhwng ei gartref a'r man codi'n dibynnu ar oed y disgyblion, eu hanghenion unigol a natur y llwybr y disgwylir iddynt gerdded ar ei hyd.

Côd Ymddygiad wrth Deithio

Mae Llywodraeth Cynulliad Cymru wedi cynhyrchu Côd Ymddygiad wrth Deithio sy'n orfodol i bob dysgwr hyd at 19 oed. Mae'n berthnasol i bob dull o deithio i/o sefydliadau addysgol. Rhaid i'r dysgwyr gydymffurfio â'r Côd yn ystod y daith. Yn unol â'r Côd, gellir dod â'r trefniadau teithio i ben os bydd ymddygiad dysgwr yn annerbyniol yn ystod y daith i/o'r ysgol neu goleg.

Bydd y gyrrwr, yn unol â'r weithdrefn y cytunwyd arni, yn rhoi adroddiad am unrhyw achos o gamymddwyn i'r Awdurdod Lleol ac i Bennaeth yr ysgol dan sylw. Bydd unrhyw ddigwyddiadau o'r fath yn cael eu harchwilio a bydd camau priodol yn cael eu cymryd, os bydd angen, gan gynnwys gwahardd y disgybl dros dro rhag defnyddio'r cludiant.

Ysmygu ar Fysiau

Ni chaniateir ysmygu ar unrhyw gerbyd a gaiff ei ddefnyddio o dan gytundeb â'r Cyngor i gludo disgyblion yn ôl ac ymlaen i'r ysgol. Ystyrir cymryd camau disgyblu yn erbyn unrhyw ddisgybl a gaiff ei ddal yn ysmygu ar fysiau ysgol neu goleg.

Mae gan rieni gyfrifoldeb dros:

- gludo'u plentyn rhwng y cartref a'r ysgol os nad ydynt yn gymwys i gael cludiant ysgol am ddim;
- gwneud cais am gludiant am ddim os yw'r plentyn yn gymwys;
- roi gwybod i'r Awdurdod Lleol a'r ysgol am unrhyw amgylchiadau newydd a allai effeithio ar y cludiant;
- sicrhau bod eu plentyn yn barod ac yn aros am y cludiant ar yr adeg a'r lle priodol. Cyfrifoldeb y rhieni yw mynd â'r plentyn at y cerbyd a'i gyfarfod pan ddaw'n ôl;
- sicrhau bod ymddygiad eu plentyn yn dderbyniol wrth ddefnyddio cludiant ysgol .

Ymholiadau/cwynion

Cyngor Sir y Fflint

Ymholiadau cyffredinol ynglŷn â chludiant

Cludiant Ysgol
Gwasanaethau Stryd a Thrafnidiaeth
Cyngor Sir y Fflint
Ffordd Yr Wyddgrug
Sir y Fflint
CH7
Ffôn: 01352 704532
www.siryfflint.gov.uk/ysgolion

Colegau

Coleg Glannau Dyfrdwy
Ffordd Celstryn
Cei Connah
Glannau Dyfrdwy
Sir y Fflint
CH5 4BR
Ffôn: 01244 831531

Coleg Llandrillo
Swyddog Trafnidiaeth
Ffordd Llandudno
Llandrillo yn Rhos
LL28 4HZ
Ffôn: 01492 546666

Coleg Iâl
Ffordd Parc y Gelli

Wrecsam
LL12 7AB
Ffôn: 01978 311794